

Figentem dubia incerto vestigia gressu ;
 Dum pavidos telo damas , cervosque fugaces ,
 Aut aprum , aut summis agitare montibus ursum .
 Non æstus , medio quamvis Sol ardeat Axe ,
 Assuetum , non hosce pedes via longa fatigat .
 Impulit ipsa avidum genitrix quoque: perge:tuendam,
 O Lycida , mihi linque domum : sat adulta capellas,
 Inquit , aget soror ad fontem , atque ad pascua tuta .
 I tu , namque potes , juvenum quo confluit omnis
 Turba frequens , longosque novans desueta per annos
 Festa agitat , variisque exercet corpora ludis .
 I , Lycida , & memori sub pectore singula conde
 Observans , narrabis enim , quoque ordine , quique
 Certarint juvenes , cui fors arriserit , & quæ
 Quisque domum tulerit meritæ data præmia palmæ .
Tyt. Scilicet hinc , Lycida , & jaculis oneratus acutis
 Circumfers arcumque humero,pharetramq;sonantem;
 Jamque animo annosæ defixa in vertice pinus
 Signa petis , palma gestis jam victor adepta .
Lyc. Haud equidē abnuerim;stimulos namq; ipsa volenti
 Addidit , & palmæ genitrix incendit amore .
 Sume , inquit , nam prima dies , si rite vetusti
 Servantur mores , jaculo , volucrique sagittæ
 Debita , sume , puer , jaculum , volucremq; sagittam;
 Arcumque , pharetramque olim victoris Amyntæ .
 O ! mihi si tantum tribuant bona numina , si te
 Excipiam merita neſcentem tempora lauro ,
 Felix , ah nimium ! & figentem ditia teſto
 Dona rudi ; quo , care puer , quo brachia nexu
 Adstringens collo hærerem ! quæ dulcia fronti
 Oscula mille darem ! propera , puer , otia rumpe
 Pigra celer , sacrumque vola pharetratûs ad antrum
 Hæc genitrix : imas agitat mihi flamma medullas .
 Et jubet alipedes cursu prævertere ventos .
 En adsum : tu Myrhæo , tu Tytire , siste :
 En adsum , & jaculo certare paratus , & arcu .

Tyt.